

15 *GE.* sed ubi Antiphonem reperiam, aut qua querere insistam via?

*PH.* te nominat. *AN.* nescioquod magnum hoc nuntio exspecto malum. *PH.* ah

sanus es? *GE.* domum ire pergam: ibi plurimumst.

*PH.* revocemus hominem. *AN.* sta ilico. *GE.* hem 195

sati' pro imperio, quisquis es. *AN.* Geta. *GE.* ipsest quem volui obviam.

20 *AN.* cedo quid portas, obsecro? atque id, si potes, verbo expedi.

*GE.* faciam. *AN.* eloquere. *GE.* modo apud portum...

*AN.* meūmne? *GE.* intellexi. *AN.* occidi.

*PH.* hem...

*AN.* quid agam? *PH.* quid ais? *GE.* hui(u)s patrem vidisse me et patruom tuom.

*AN.* nam quod ego huic nunc subito exitio remedium in- 200 veniam miser?

quod si eō mēae fortunae redeunt, Phanium, abs te ut distrahar,

25 nullast mihi vita expetenda. *GE.* ergo istaec quom ita sunt, Antipho,

tanto mage te advigilare aequomst: fortis fortuna adiuvat.

*AN.* non sum apud me. *GE.* atqui opus est nunc quom maxume ut sis, Antipho;

nam si senserit te timidum pater esse, arbitrabitur 205

commeruisse culpam. *PH.* hoc verumst. *AN.* non possum inmutarier.